



Broj: 01/1-50-1-1-58/12
Sarajevo, 4.2.2014.

KOLEGIJU PREDSTAVNIČKOG DOMA
PARLAMENTARNE SKUPŠTINE BiH

Na osnovu člana 41. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12), Ustavnopravna komisija Parlamentarne skupštine Bosne i Hercegovine je na 57. sjednici, održanoj 4.2.2014., usvojila sljedeći

ORIJENTACIONI RADNI PLAN USTAVNOPRAVNE KOMISIJE
PREDSTAVNIČKOG DOMA ZA 2014. GODINU

Ustavnopravna komisija, u okviru svojih nadležnosti propisanih članom 41. Poslovnika Predstavničkog doma, prati provođenje Ustava BiH; razmatra pitanja od značaja za ustavni poredak Bosne i Hercegovine i daje inicijativu za amandmane na Ustav BiH; ispituje i dostavlja Domu mišljenja o prijedlozima amandmana na Ustav BiH; provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave; razmatra prijedloge zakona koje Dom treba usvojiti u vezi s njihovom usklađenošću sa Ustavom BiH i pravnim sistemom, kao i u vezi s pravnom obradom te Domu podnosi izvještaj s mišljenjem i prijedlozima i pravno-tehničkim ispravcima očitih grešaka u tekstu; razmatra pitanja zakonodavne metodologije i druga pitanja od značaja za usklađenost pravno-tehničke obrade akata koje Dom treba usvojiti; dostavlja mišljenja Ustavnom sudu BiH; učestvuje u pripremi programa rada iz oblasti zakonodavne aktivnosti Doma; utvrđuje, zajedno s odgovarajućom komisijom Doma naroda, prečišćeni tekst zakona i drugih propisa kada i ako ih za to ovlaste oba doma; razmatra prijedloge za oduzimanje imuniteta i u vezi s tim predlaže odgovarajuće odluke Domu.

Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu Bosne i Hercegovine, pečat Bosne i Hercegovine; državnu administraciju; provođenje međunarodnih i domaćih krivičnih zakona; te druga pitanja iz nadležnosti Doma koja nisu u nadležnosti drugih komisija.

U skladu sa svojim nadležnostima, Ustavopravna komisija Predstavničkog doma u 2014. godini planira razmatrati prijedloge zakona i drugih akata u skladu s planom zakonodavne aktivnosti Vijeća ministara BiH. Plan zakonodavnih aktivnosti sačinjen je na osnovu Prijedloga zakonodavne aktivnosti Vijeća ministara BiH za 2014. godinu s tim da ovaj plan ne obuhvata prijedloge zakona koje mogu uputiti u zakonodavnu proceduru drugi ovlašteni predlagači tokom 2014. godine.

I. Plan zakonodavnih aktivnosti

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
1.	Prijedlog zakona o vanjskim poslovima	<i>Ministarstvo vanjskih poslova BiH</i>	<i>Januar</i>	Pitanje vanjskih poslova nije uređeno zakonom.
2.	Prijedlog zakona o izmjenama i dopunama Zakona o finansiranju institucija Bosne i Hercegovine	<i>Ministarstvo finansija i trezora</i>	<i>Januar</i>	Ministarstvo finansija i trezora BiH uradit će izmjene Zakona o finansiranju institucija BiH s ciljem uspostavljanja finansijske inspekcije.
3.	Prijedlog zakona o besplatnoj pravnoj pomoći BiH	<i>Ministarstvo pravde BiH</i>	<i>Februar</i>	Reguliranje besplatne pravne pomoći na nivou BiH.
4.	Prijedlog zakona o izmjenama i dopunama Zakona o službi u Oružanim snagama Bosne i Hercegovine	<i>Ministarstvo odbrane BiH</i>	<i>Februar</i>	<ul style="list-style-type: none"> • Reguliranje stanja u službi; • Reguliranje dužine trajanja službe; • Ocjenjivanje; • Razlozi za prestanak PVS-a.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
5.	Prijedlog zakona o izmjenama i dopunama Zakona o plaćama i naknadama u institucijama Bosne i Hercegovine	<i>Ministarstvo vo finansija i trezora</i>	<i>Februar</i>	Odlukom Ustavnog suda BiH, broj U12/09, ukinut je član 35. Zakona o plaćama i naknadama u institucijama BiH. Ministarstvo je dužno predložiti novi tekst navedenog člana. Također, postoji potreba da se pojedine odredbe Zakona usklade s odredbama drugih zakona (npr. Zakona o Direkciji za koordinaciju policijskih tijela i Zakona o agencijama za podršku policijskoj strukturi BiH), kao i iskazanim primjedbama i sugestijama korisnika budžeta u vezi s određenim trenutnim važećim odredbama Zakona.
6.	Prijedlog zakona o štrajku	<i>Ministarstvo pravde BiH</i>	<i>Mart</i>	Reguliranje pitanja štrajka na nivou BiH.
7.	Prijedlog zakona o kontroli vanjskotrgovinskog prometa oružja, vojne opreme i robe posebne namjene	<i>Ministarstvo vanjske trgovine i ekonomskih odnosa BiH</i>	<i>Mart</i>	Izrada i usvajanje Zakona planirana je za kraj 2013. godine, ali su zbog kašnjenja Vijeća ministara BiH u imenovanju članova radne grupe za izradu Zakona završetak i usvajanje Zakona prolongirani za prvi kvartal 2014. godine.
8.	Prijedlog zakona o kontroli vanjskotrgovinskog prometa robe dvojne namjene	<i>Ministarstvo vanjske trgovine i ekonomskih odnosa BiH</i>	<i>Mart</i>	Izrada i usvajanje Zakona planirani su za kraj 2013. godine, ali su zbog kašnjenja Vijeća ministara BiH u imenovanju članova radne grupe za izradu Zakona završetak i usvajanje Zakona prolongirani za prvi kvartal 2014. godine.
9.	Prijedlog zakona o izmjenama i dopunama Zakona o politici direktnih stranih ulaganja	<i>Ministarstvo vanjske trgovine i ekonomskih odnosa BiH</i>	<i>Mart</i>	Na osnovu RIA izvještaja o Zakonu o politici direktnih stranih ulaganja BiH, usvojenog na 57. sjednici Vijeća ministara BiH, održanoj 17.7.2013., kojim je izvršena procjena uticaja regulative (RIA) na propise kojim je regulirana oblast stranih ulaganja, za pojednostavljenje i unapređenje ove regulative, a u svrhu primjene najboljih međunarodnih praksi, u toku je rad na radnoj verziji Nacrta zakona o izmjenama i dopunama Zakona o direktnim stranim ulaganjima.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
10.	Prijedlog zakona o graničnoj kontroli	<i>Ministarst vo sigurnosti/ Granična policija</i>	<i>Mart</i>	<p>Nakon konsultacija sa ekspertima IPA-e 2010., na osnovu njihovih preporuka, a zbog ulaska Republike Hrvatske u EU, ukazala se potreba za izmjenama i dopunama Zakona o graničnoj kontroli, kojim će se poboljšati i uskladiti granične procedure s šengenskim odredbama, te kojim će se propisati sankcije zbog narušavanja javnog reda i mira na području graničnog prijelaza.</p>
11.	Prijedlog zakona o kretanju i boravku stranaca i azilu	<i>Ministarst vo sigurnosti/ Granična policija</i>	<i>Mart</i>	<p>Na osnovu sugestija eksperata IPA-e 2010., došlo se do zaključka da je potrebno dodatno i u cijelosti uskladiti sa šengenom uslove u vezi sa ulaskom stranih državljana, odnosno za procedure koje se provode prilikom graničnih provjera.</p>
12.	Prijedlog zakona o mjeriteljstvu Bosne i Hercegovine	<i>Institut za mjeriteljstv o</i>	<i>April</i>	<p>Potrebe Bosne i Hercegovine su znatno drugačije od onih koje su prije više od 12 godina rukovodile donosioca da donese zakone koji su još na snazi.</p> <p>Od 2001. godine doneseno je mnoštvo normativnih akata na nivou EU koji su postojeće zakone učinili neusaglašenim sa zakonodavstvom i praksom EU. Donošenjem šest podzakonskih akata iz mjeriteljstva u BiH, u 2012. godini, omogućilo se kvalitetnije provođenje postojećeg zakona, ali bi se tek donošenjem novog zakona o mjeriteljstvu omogućilo da se ova oblast regulira na način kako to zahtijevaju generalno procesi u EU i specifično procesi u infrastrukturi kvaliteta i mjeriteljstva. Prijedlog novog zakona bio je na Vijeću za mjeriteljstvo u dva navrata (april i maj 2012. godine), tako da je taj nivo široke rasprave završen. Institut će prema Pravilima za konsultacije u izradi pravnih propisa („Sl. gl. BiH“, broj 81/06) poslati prijedlog novog zakona prema Vijeću ministara BiH.</p>
13.	Prijedlog zakona o izmjenama i dopunama Zakona o ministarskim imenovanjima, imenovanjima Vijeća ministara BiH i drugim imenovanjima	<i>Ministarst vo pravde BiH</i>	<i>Maj</i>	<p>Otklanjanje nedostataka na koje je ukazala dosadašnja primjena.</p>

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
14.	Prijedlog zakona o izmjenama i dopunama Zakona o Visokom sudskom i tužilačkom vijeću BiH	<i>Ministarstvo pravde BiH</i>	Juni	Unapređenje postupka imenovanja, ocjenjivanja i napredovanja nosilaca pravosudnih funkcija, unapređenje disciplinskog postupka, te osnaživanje zakonske uloge Visokog sudskog i tužilačkog vijeća BiH u pripremi, usvajanju i izvršenju budžeta pravosudnih institucija.
15.	Prijedlog zakona o izmjenama i dopunama Zakona o udruženjima i fondacijama BiH	<i>Ministarstvo pravde BiH</i>	Juni	Unapređenje postupka i procedure za odlučivanje po zahtjevima za upis u Registar udruženja i fondacija.
16.	Prijedlog zakona o izbjeglicama iz BiH i raseljenim licima u BiH	<i>Ministarstvo za ljudska prava i izbjeglice BiH</i>	Juni	Cilj Zakona je usklađivanje prava s Revidiranom strategijom Aneksa VII. Dejtonskog mirovnog sporazuma i međunarodnim konvencijama koje se odnose na prava izbjeglih i raseljenih lica.
17.	Prijedlog zakona o obilježavanju malog oružja, lakog naoružanja i pripadajuće municije	<i>Ministarstvo vanjske trgovine i ekonomskih odnosa BiH</i>	Juni	Tekst Zakona poslan je 5.11.2012. na mišljenje bh. institucijama, Vanjskotrgovinskoj komori BiH, međunarodnim organizacijama i nevladinom sektoru, koji će tek krajem novembra 2013. dostaviti svoje komentare, koje je nužno uključiti u prednacrt Zakona; potrebno je nekoliko sedmica u januaru da Tim za izradu prednacrta Zakona objedini komentare, te će se takav materijal ponovo dostaviti nadležnim državnim i entitetskim institucijama, a prije dostavljanja Vijeću ministara BiH.
18.	Prijedlog zakona o izmjenama i dopunama Zakona o lijekovima i medicinskim sredstvima	<i>Agencija za lijekove i medicinska sredstva</i>	Juni	Zakon je nastao kao prvi, kompromisan tekst, koji je u stručnom pogledu postao prepreka razvoju Agencije te legislativi i praksi koju treba usklađivati s EU i zemljama iz okruženja.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
19.	Prijedlog zakona o izmjenama i dopunama Zakona o radijacijskoj i nuklearnoj sigurnosti	<i>Državna regulatorna agencija za radijacijsku i nuklearnu sigurnost</i>	<i>Juni</i>	Ovim zakonom uređuju se pitanja radijacijske i nuklearne sigurnosti u Bosni i Hercegovini. Predloženim izmjenama i dopunama namjerava se unaprijediti ukupna situacija u ovoj oblasti, u skladu s inoviranim međunarodnim standardima, a posebno u smislu jačanja regulatorne inspekcije, propisivanja sveobuhvatnih sankcija za pravna i fizička lica koja ne poštuju propise iz oblasti radijacijske i nuklearne sigurnosti, unapređenja odredbi o nuklearnoj sigurnosti, sistemu obuka, kao i odredbi o zaštitnim mjerama za nuklearne materijale, te druga značajna pitanja u ovoj oblasti.
20.	Prijedlog zakona o izmjenama i dopunama Zakona o upravi	<i>Ministarstvo pravde BiH</i>	<i>August</i>	Unapređenje postojećih rješenja koja se odnose na organizaciju rada organa uprave, kao i rješenja koja se odnose na inspekcijski nadzor.
21.	Prijedlog zakona o izmjenama i dopunama Zakona o polaganju pravosudnog ispita	<i>Ministarstvo pravde BiH</i>	<i>Septembar</i>	Otklanjanje nedostataka na koje je ukazala dosadašnja primjena.
22.	Prijedlog zakona o zaključivanju i izvršavanju međunarodnih ugovora	<i>Ministarstvo vanjskih poslova BiH</i>	<i>Septembar</i>	Zakon koji se trenutno primjenjuje prilikom zaključivanja međunarodnih ugovora donesen je 2000. godine. U primjeni navedenog zakona uočeni su određeni nedostaci, odnosno dio poslova koje je neophodno obaviti prilikom zaključivanja, izvršavanja i odobravanja stupanja na snagu međunarodnih ugovora nije normiran. Donošenjem novog zakona otklonili bi se svi uočeni nedostaci.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
23.	Prijedlog zakona o sprečavanju i suzbijanju zloupotrebe opojnih droga	<i>Ministarst vo sigurnosti BiH</i>	<i>Septembar</i>	<p>U julu 2011. godine Vijeće ministara BiH utvrdilo je Prijedlog zakona o izmjenama i dopunama Zakona o sprečavanju i suzbijanju zloupotrebe opojnih droga.</p> <p>Prijedlog zakona o izmjenama i dopunama Zakona o sprečavanju i suzbijanju zloupotrebe opojnih droga odbijen je na 24. i 25. sjednici Predstavničkog doma Parlamentarne skupštine BiH, održanoj u martu 2012. godine.</p> <p>Usvojen je zaključak kojim se predlagač ovog zakona obavezuje da pristupi izradi novog teksta zakona o sprečavanju i suzbijanju zloupotrebe opojnih droga.</p>
24.	Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2015. godinu	<i>Ministarst vo finansija i trezora</i>	<i>Oktobar</i>	<p>Zakon o Budžetu institucija BiH i međunarodnih obaveza BiH za 2015. godinu je akt Parlamentarne skupštine BiH kojim se utvrđuje plan finansijske aktivnosti budžetskih korisnika, koji obuhvata projekciju iznosa prihoda i utvrđenog iznosa rashoda za 2015. godinu. U fazi izrade Zakona o budžetu institucija BiH i međunarodnih obaveza BiH za 2015. godinu utvrdit će se i gornje granice cjelokupnog duga BiH za fiskalnu godinu za koju se donosi budžet. Nakon što Ministarstvo finansija i trezora BiH provede sve aktivnosti propisane Zakonom o finansiranju institucija BiH, obavezno je Vijeću ministara BiH dostaviti Nacrt zakona o Budžetu institucija BiH i međunarodnih obaveza BiH za 2015. godinu.</p>
25.	Prijedlog zakona o izmjenama i dopunama Zakona o krivičnom postupku BiH	<i>Ministarst vo pravde BiH</i>	<i>Oktobar</i>	<p>Usklađivanje s međunarodnim standardima (Osnovni ugovor između Svete Stolica i BiH i Dodatni protokol na Osnovni ugovor između Svete Stolica i BiH) i otklanjanje nedostataka na koje je ukazala dosadašnja primjena.</p>

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
26.	Prijedlog zakona o izmjenama i dopunama Zakona o fitofarmaceutskim sredstvima u BiH	<i>MVTEO Uprava za zaštitu zdravlja bilja</i>	<i>Oktobar</i>	Donijeti Zakon o izmjenama i dopunama Zakona o fitofarmaceutskim sredstvima u BiH, u skladu s novim regulativama EU: 1107/2009, 128/2009 i 1185/2009. Smatramo da nije realno donijeti novi zakon, imajući u vidu nedostatak kapaciteta u ljudstvu u Upravi i vrlo složenu proceduru u vezi s donošenjem novog zakona. Izmjenama i dopunama postojećeg zakona riješila bi se neka najvažnija pitanja koja se, prije svega, tiču registracije fitofarmaceutskih sredstava, a što bi bilo u skladu s navedenim regulativama.
27.	Prijedlog zakona o elektronskim medijima u BiH	<i>Ministarst vo komunikacija i prometa BiH</i>	<i>Oktobar</i>	Ovim će se zakonom urediti prava, obaveze i odgovornosti pravnih i fizičkih lica koja pružaju audio i audiovizuelne medijske usluge putem elektronskih komunikacijskih mreža. Zakon o elektronskim medijima zamijenit će Zakon o komunikacijama u dijelu koji se odnosi na regulativu koja se odnosi na sadržaj usluga koje se isporučuju preko elektronskih komunikacijskih mreža korištenjem elektronskih komunikacijskih usluga.
28.	Prijedlog zakona o izmjenama i dopunama Krivičnog zakona BiH	<i>Ministarst vo pravde BiH</i>	<i>Novembar</i>	Omogućavanje efikasnije borbe protiv organiziranog kriminala u skladu s uslovima koje postavlja UN-ova konvencija, kao i određene konvencije VE za borbu protiv organiziranog kriminala i oduzimanje nezakonito stečene imovine.
29.	Prijedlog zakona o izmjenama i dopunama Zakona o ombudsmenu Bosne i Hercegovine	<i>Ministarst vo za ljudska prava i izbjeglice BiH</i>	<i>Novembar</i>	Izmjenama i dopunama Zakona o ombudsmenu BiH treba uskladiti rad Institucije ombudsmena BiH u skladu s Pariskim principima.
30.	Prijedlog zakona o carinskim prekršajima	<i>Uprava za indirektno oporezivanje</i>	<i>Novembar</i>	Usaglašavanje s prekršajnim zakonodavstvom BiH.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
31.	Prijedlog zakona o izmjenama i dopunama Zakona o Agenciji za osiguranje u Bosni i Hercegovini	<i>Agencija za osiguranje u BiH</i>	<i>Decembar</i>	<p>Zakon o Agenciji za osiguranje u BiH („Sl. gl. BiH“, broj 12/04) sadrži pojedine odredbe koje su nejasne i neprecizne, te kao takve ne omogućavaju kvalitetno obavljanje poslova iz nadležnosti Agencije. U okviru Twinning projekta Evropske komisije BA 07 IB FI 01, koji je završen u aprilu 2012. godine, pripremljen je materijal za izmjene i dopune ovog zakona, u skladu s relevantnim zakonodavstvom Evropske unije. Mandat članovima Upravnog odbora Agencije za osiguranje u BiH istekao je u junu 2012. godine, a novi Upravni odbor Agencije imenovan je tek na 66. sjednici Vijeća ministara BiH, održanoj 23.10.2013. (Odluka o imenovanju objavljena je u „Službenom glasniku BiH“, broj 86/13, od 5.11.2013.). Materijal o izmjenama i dopunama Zakona o Agenciji za osiguranje u BiH iz navedenog razloga nije bilo moguće dostaviti Upravnom odboru Agencije na razmatranje i usvajanje kako bi se uputio u daljnju proceduru.</p> <p>S obzirom na nedavno imenovanje Upravnog odbora Agencije, započete aktivnosti o izmjenama i dopunama Zakona o Agenciji za osiguranje u BiH će se nastaviti.</p>
32.	Prijedlog zakona o izmjenama i dopunama Zakona o državnoj službi u institucijama BiH	<i>Ministarstvo pravde BiH Ministarstvo vanjske trgovine i ekonomskih odnosa BiH</i>	<i>Decembar</i>	Otklanjanje nedostataka na koje je ukazala dosadašnja primjena.
33.	Prijedlog zakona o carinskoj politici Bosne i Hercegovine	<i>Ministarstvo vanjske trgovine i ekonomskih odnosa BiH</i>	<i>Decembar</i>	Usaglašavanje s evropskim standardima.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
34.	Prijedlog zakona o tehničkim zahtjevima za proizvode i ocjenjivanju usklađenosti	<i>Ministarstvo vanjske trgovine i ekonomskih odnosa BiH</i>	<i>Decembar</i>	<p>Nacrtom zakona o tehničkim zahtjevima za proizvode i ocjenjivanju usklađenosti preuzet će se novi paket mjera za unapređenje trgovine proizvodima, a time i jačanje infrastrukture kvaliteta u BiH. U tom smislu, Sektor za ekonomski razvoj i preduzetništvo, uz pomoć domaćih i stranih eksperata angažiranih preko EUSIP-a (EU Safety infrastructure project), intenzivno je radio na analizi postojećeg Zakona o tehničkim zahtjevima za proizvode i ocjenjivanju usklađenosti („Sl. gl. BiH“, broj 45/04). Ovim novim nacrtom zakona treba se preuzeti odluka broj 768/2008/EZ Evropskog parlamenta i Vijeća, od 9.7.2008. o zajedničkom okviru za trgovanje proizvodima.</p> <p>U saradnji s nadležnim institucijama pripremiti Prijedlog izmjene i dopune Zakona o poljoprivredi, ishrani i ruralnom razvoju BiH s ciljem poboljšanja procesa konsultacija, mehanizma koordinacije, usklađenosti sektorskih strategija i agroekonomskih politika, jačanja konkurentnosti i kvaliteta poljoprivrednih i prehrambenih proizvoda, primjene standarda koji su potrebni za ostvarivanje dinamičnog razvoja u sektoru poljoprivrede, prehrane i ruralnog razvoja i unapređenja mehanizama koji su potrebni za pripremu pridruživanja i ulaska u Evropsku uniju. Zakon o poljoprivredi BiH i Odluka o formiranju Ureda za harmonizaciju sistema plaćanja u poljoprivredi, ishrani i ruralnom razvoju preklapaju se u dijelu nadležnosti između Ministarstva (Sektora za poljoprivredu) i Ureda, kao uprave u sistemu Ministarstva. Ova preklapanja izvor su problema u radu i Ureda i Sektora za poljoprivredu MVTEOBiH. Kako bi se ovaj problem efikasno riješio, neophodno je da se izmijeni Zakon o poljoprivredi BiH, odnosno da se u članu 13. jasno razluče nadležnosti Ureda i Ministarstva.</p>
35.	Prijedlog zakona o izmjenama i dopunama Zakona o poljoprivredi, ishrani i ruralnom razvoju Bosne i Hercegovine	<i>Ministarstvo vanjske trgovine i ekonomskih odnosa BiH</i>	<i>Decembar</i>	

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
36.	Prijedlog zakona o izmjenama i dopunama Zakona o diskriminaciji u BiH	<i>Ministarstvo za ljudska prava i izbjeglice BiH</i>	<i>Decembar</i>	Izmjenama i dopunama trebaju se poboljšati procesne odredbe Zakona, s ciljem zaštite žrtava diskriminacije i hitnosti postupanja pred nadležnim sudovima i upravnim tijelima.
37.	Prijedlog zakona o izmjenama i dopunama Zakona o međunarodnom i međuentitetskom prijevozu	<i>Ministarstvo komunikacija i prometa BiH</i>	<i>Decembar</i>	Izmjenama i dopunama ovog zakona preciznije će se urediti obavljanje međunarodnog i međuentitetskog cestovnog prijevoza tereta i putnika.
38.	Prijedlog zakona o Agenciji za razvoj informacionog društva	<i>Ministarstvo komunikacija i prometa BiH</i>	<i>Decembar</i>	Vijeće ministara BiH je na 67. sjednici, održanoj 6.11.2013., razmotrilo i usvojilo Informaciju o nalazima i preporukama Evropske komisije sadržanim u Izvještaju o napretku za 2013. godinu i dokumentu Strategija proširenja i ključni izazovi 2013. – 2014. godine. U skladu s navedenim, zadužena su ministarstva i drugi organi uprave da u svoje planove rada za 2014. godinu unesu aktivnosti kojima će se prevladati nedostaci navedeni u Izvještaju o napretku za 2013. godinu i dokumentu Strategija proširenja i ključni izazovi 2013. – 2014. godine.
39.	Prijedlog Zakona o zrakoplovstvu BiH	<i>Ministarstvo komunikacija i prometa BiH</i>	<i>Decembar</i>	Novi Zakon o zrakoplovstvu potrebno je dodatno uskladiti s Čikaškom konvencijom, kao i s propisima Evropske unije za koje se BiH Multilateralnim sporazumom o uspostavljanju zajedničkog evropskog zrakoplovnog područja (tzv. ECAA sporazum) obavezala da će ih inkorporirati u svoje zakonodavstvo.
40.	Prijedlog zakona o porezu na dodatnu vrijednost	<i>Uprava za indirektno oporezivanje</i>	<i>Decembar</i>	Usaglašavanje sa standardima EU.

Redni broj	Naziv prijedloga zakona	Nosilac posla	Rok dostavljanja Vijeću ministara	Kratko obrazloženje predloženog zakona
41.	Prijedlog zakona o akcizama u BiH	<i>Uprava za indirektno oporezivanje</i>	<i>Decembar</i>	Usaglašavanje sa standardima EU.
42.	Prijedlog zakona o izmjenama i dopunama Zakona o zaduživanju, dugu i garancijama BiH	<i>Ministarstvo finansija i trezora</i>	<i>Decembar</i>	Inicijativa za izmjenu člana 4. (Reguliranje nadležnosti Savjetodavne grupe Vijeća ministara u vezi sa izradom Strategije upravljanja javnim dugom) i drugih izmjena u zavisnosti od postignute saglasnosti.
43.	Prijedlog zakona o međunarodnoj zaštiti u oblasti azila	<i>Ministarstvo sigurnosti BiH</i>	<i>Decembar</i>	Strategijom u oblasti migracija i azila stvorena je obaveza izrade Zakona o međunarodnoj zaštiti, kojim će ova oblast biti regulirana u BiH, s ciljem usklađivanja sistema međunarodne zaštite sa istim sistemom u EU.
44.	Prijedlog zakona o izmjenama i dopunama Zakona o policijskim službenicima BiH	<i>Ministarstvo sigurnosti BiH</i>	<i>Decembar</i>	Usklađivanje Zakona s drugom legislativom kojom se regulira rad policijskih službenika. Dostavljeno Vijeću ministara BiH, koje je navedeni akt vratilo na doradu radnoj grupi.
45.	Prijedlog zakona o Službi za poslove sa strancima	<i>Ministarstvo sigurnosti BiH/Služba za poslove sa strancima</i>	<i>Decembar</i>	Izvršenje Odluke o principima za utvrđivanje unutrašnjeg ustrojstva organa uprave BiH i Odluke o razvrstavanju radnih mjesta i kriterija za opis poslova radnih mjesta u institucijama BiH („Sl. gl. BiH“, broj 30/13).

II. Razmatranja prijedloga amandmana na Ustav BiH, drugih prijedloga zakona, zahtjeva za ocjenu ustavnosti, zahtjeva za autentično tumačenje, izvještaja o radu institucija i organa Bosne i Hercegovine, poslaničkih inicijativa i drugih prijedloga akata u skladu s nadležnostima Ustavnopravne komisije

Ustavnopravna komisija, u skladu sa svojim nadležnostima, razmatrat će prijedloge amandmana na Ustav BiH u vezi s provođenjem presude Evropskog suda za ljudska prava u Strasbourgu u predmetu *Sejdić i Finci protiv Bosne i Hercegovine*, druge prijedloge

zakona, zahtjeve Ustavnog suda BiH, izvještaje i informacije, zahtjeve za autentično tumačenje, poslaničke inicijative i prijedloge drugih akata koje, u skladu s odredbama Poslovnika Predstavničkog doma, dostave poslanici, delegati, nadležne komisije u Parlamentarnoj skupštini BiH i institucije BiH.

III. Plan aktivnosti u sklopu saradnje s Misijom OSCE-a u BiH - Odsjek za parlamentarnu podršku i monitoring

U skladu s već postignutim dogovorom s Misijom OSCE-a u BiH, Ustavnopravna komisija će do maja 2014. godine suorganizirati debate i rasprave o:

1. poslovnicima Predstavničkog doma i Doma naroda ako prijedlozi novih tekstova ovih poslovnika budu usvojeni do maja 2014.;
2. amandmanima na Ustav Bosne i Hercegovine u vezi s provođenjem presude Evropskog suda za ljudska prava u Strasbourgu u predmetu Sejdić i Finci protiv Bosne i Hercegovine;
3. izmjenama i dopunama Izbornog zakona Bosne i Hercegovine nakon okončanja rada Interresorne radne grupe.

Ustavnopravna komisija i Misija OSCE-a u BiH saradivat će i u dijelu zakonodavne i druge aktivnosti Komisije do maja 2014. godine, s ciljem objavljivanja publikacije o svim ostvarenim oblicima saradnje ustavnopravnih komisija oba doma Parlamentarne skupštine BiH s Misijom OSCE-a u BiH.

IV. Aktivnosti u sklopu saradnje sa Švicarskom agencijom za razvoj i saradnju u BiH (SDC)

U okviru saradnje s Vladom Švicarske Konfederacije i Švicarskom agencijom za razvoj i saradnju u BiH (SDC) planirano je da se tokom januara rekapituliraju aktivnosti realizirane u sklopu projekta „Pomoć Vlade Švicarske Konfederacije ustavnim promjenama u Bosni i Hercegovini“, kako bi i u novom sazivu Parlamentarne skupštine BiH mogao biti predložen novi oblik saradnje s Vladom Švicarske Konfederacije.

V. Plan aktivnosti u sklopu saradnje s UNDP-jem u BiH

U sklopu dosadašnje saradnje ostvarene tokom stručnih savjetovanja „Mehanizmi ustavnih revizija u Evropi“ i „Modeli participativne ustavne revizije i reforme“ Ustavnopravna komisija nastavlja saradnju s Uredom rezidentnog ambasadora Ujedinjenih naroda u Bosni i Hercegovini na izradi novog plana aktivnosti u narednom četverogodišnjem periodu.

VI. Plan međunarodnih aktivnosti Ustavnopravne komisije

Planirano je učešće na 4. međunarodnoj konferenciji ustavnopravnih komisija, koja će biti održana u Njemačkoj, i realiziranje posjeta odgovarajućih komisija drugih parlamenata u sklopu već uspostavljene saradnje, te nastavak realiziranja plana u vezi sa stručnim savjetovanjem „Mreža pravosudnih politika zemalja regiona“ koje bi trebalo i ove godine biti održano u Crnoj Gori.

**PREDSJEDAVAJUĆI
USTAVNOPRAVNE KOMISIJE**

Šefik Džaferović